

# **Eqikkaaneq**

## **una pillugu Majoriami 2025-imi Inaarutaasumik misilitsinneq pillugu nalunaarusiaq**

### **Imarisai**

|                                                                    |   |
|--------------------------------------------------------------------|---|
| Aallaqqaasiut .....                                                | 1 |
| Siunertaq suliassartaalu.....                                      | 2 |
| Sullinniakkat.....                                                 | 2 |
| Majoriami Inaarutaasumik misilitsinnerup nassuiarneqarnera .....   | 2 |
| Majoriami Inaarutaasumik misilitsinnermik ineriartortitsineq ..... | 3 |
| Kommuneqarfik Sermersuumi atuutilersitsineq .....                  | 6 |
| Kaammattuutit.....                                                 | 7 |

### **Aallaqqaasiut**

Ilanngussami matumani Majoriami 2025-imi Inaarutaasumik misilitsinneq pillugu nalunaarusiaq eqikkaaneqarpoq. Nalunaarusiap suliarineqarnerani siunertarineqarpoq Majoriami inaarutaasumik misilitsinnermi ineriartortitseqqinnissamik sulinerup nangittumik ilaatinneqarnissaa. Taamaattumik ilanngussami taamaallaat tamakkiisumik nalunaarusiaq aallaavigineqarpoq aammalu nalunaarusiami immikkuualuttumik tapiliussatut takussutissaq imaluunniit ilanngussat, pappiaqqanik aammalu immersugassanik Majoriamit suliarineqartunik imallit ilaatinneqanngillat.

Majoriami Inaarutaasumik misilitsinneq pillugu suliniut 2023-imi aallartinneqarpoq Namminersorlutik Oqartussat kommunillu suleqatigiinnerisigut. Suliniummut tunngatillugu aqutsisoqatigiinnik suleqatigiissitamillu pilersitsisoqarpoq. Suleqatigiissitaq 2025-imi nalunaarusiorpoq suliniut qanoq siuariartigisimanersoq, angusaqarfiunera, suliniutit suunersut ingerlariaqqinnissarlu pillugit erseqqissumik paasissutissiissutiginiarlugit. Nalunaarusiap suliarineqarnerani siunertarineqarpoq Majoriami inaarutaasumik misilitsinnermi ineriartortitseqqinnissamik sulinerup nangittumik ilaatinneqarnissaa.

Suliniut Majoriaq Nuummi ukiumi atuarfiusumi 2023/2024-imi aallartinneqarpoq. Kingornatigut Majoriami Inaarutaasumik misilitsinneq Majoriaqarfinni arlalinni ingerlanneqarpoq aammalu majoriaqarfinnut suli amerlanerusunut atuutilersinneqarnissaa sulissutigineqarpoq. Manna tikillugu Majoriami Inaarutaasumik misilitsinnermik atuutilersitsiffiusut tassaapput Nuuk, Paamiut, Tasiilaq aamma Qasigianniguit. Uummannami atuutilersinneqarnissaa aallartinneqarpoq, taavalu Sisimiuni Qaqortumilu atuutilersinneqarnissaat kinguartinneqarlutik. Atuartut ikippallaarnerat pissutigalugu suliniut Ittoqqortoormiini atuutilersinneqanngilaq.

## **Siunertaq suliassartaalu**

Majoriami Inaarutaasumik misilitsinnerup siunertaraa eqaatsumik ataqatigiissumillu ingerlatsisoqarnissaa, innuttaasut ilikkariartornerannut, pikkorissarnerannut aammalu suliffeqarnermut attaveqarnerannut iluaqutaasumik. Majoriaq ilinniarfeqarfiinnaanngilaq, aammali pilersaaruserluakkamik ineriartornissamut sullissiviuvuq, inuunerup sinnerani ilinniarnissamut, inuussutissarsiornermi ineriartornissamut aammalu inuiaqatigiit siuariartorneranni atorluarsinnaasumik iluaqutaasussa.

Suliassaq tassaa voq periutsimik, innuttaasut pikkorissarnerannik, aqqutissiuunneqarnerannik innersuunneqarnerannillu ataqatigiissitsisumik, taakkununga ilanngullugu inuit ataasiakkaat piginnaasaannik modulikkaartumillu ilikkariartornerannik nalunaarusiorneq. Periuseq atorlugu najukkani ileqqorineqartut avatangiisinullu tunngasut suussusersineqarlutillu naleqqussarneqartassapput aamma suliffeqarneq inuunerullu sinnerani ilikkariartornissaq pillugit politikkikkut anguniakkanut pingaarnertut tapertaassapput.

## **Sullinniakkat**

Majoriami Inaarutaasumik misilitsinnermi sullitat amerlasuutigut mianernartutut inuunermilu ilungersunartutut inissisimasut pineqarput. Amerlasuut atuarneminni ajornartorsiortarput imaluunniit ilinniagarilikkaminnik taamaatitsiinnartarput peqatigitillugulu inuunerminni ajornakusoortunik nalaataqartarput, aalaakkaasumik ilinniarnermi imaluunniit suliffimmi peqataanissamut periarfissaannik sunniuteqartunik.

Sullitat amerlasuuttaaq nappaataannik suli paasineqanngitsunik imaluunniit nakorsartinneqanngitsunik atugarissaarnerannut, ilikkariartornissaannut ataatsimoortunilu peqataanissaannut annertuumik sunniuteqarsinnaasunik peqarput. Qulaajarneqannginneq aamma meeraanermi inuusuttuunermiluunniit tapersersorneqannginneq paatsoorneqarnermik, imminut naleqartippiannginnermik aamma atuarfimmi inuiaqatigiinniluunniit naatsorsuutigineqartunut naleqqutinnginnermik misigisarnermik kinguneqarsinnaavoq.

## **Majoriami Inaarutaasumik misilitsinnerup nassuiarneqarnera**

Majoriami Inaarutaasumik misilitsinneq tassaa voq innuttaasunut meeqqat atuarfianni inaarutaasumik misilitsinnermik naammassinnissimanngitsunut piginnaanngorsarnermik neqeroorut. Neqeroorut agguataagaavoq aallarterlaanut (MA1) aamma faagikkaartunut (MA2, MA3 og MA4).

Taaguutaanik allanngortitsineq Meeqqat atuarfianni inaarutaasumik misilitsinneq-miit (FA) Majoriami inaarutaasumik misilitsinneq-mut (MA) atuartunut ilinniartitsisunullu annertuumik allanngueqataavoq, tassami meeqqat atuarfianni ilinniartitsinerup aammalu Majoriami inersimasunik ilikkariartorfiusuniinneq tassuuna naqissuserneqarmat. Peqatigitillugu atuartsineq ilikkagassanik sulianillu atuartsinertut ilusilersugaavoq taamaaliornikkut ilikkagassanut aamma sulianut tunngasut akuleriissillugit atuartsissutigineqarsinnaallutik. Taamaaliornikkut atuartut ataasiakkaat pisariaqartitaannut tapersersuineq annerusoq tunniunneqarsinnaavoq taamaattumillu

sullinniakkat siammasinnerusut siunnerfiupput matumunnga ilanngullugit inuusuttut immikkut pisariaqartitsisut.

*MA1:*

Atualeqqaartitsineq qulaajaaffiginninnertut ingerlanneqartarpoq, matumanilu atuartut piginnaasaminnik, soqutigisaminnik periarfissaminnillu paasisaqarfeqarnerulernissaat siunertaalluni. Sulinikkut misilitsinneq, aqputissiuunneqarneq, suliamik ingerlatsilluni suliniuteqarneq suliffeqarfinnullu assigiinngitsunut naatsumik ilisaritsineq ingerlanneqartarput. Siunnerfissap qulaajarnissaa aamma piginnaanngorsaqqinnermut suliffeqarnissamulluunniit kajumilersitsinissaq anguniagaavoq. Atuartitsissutit neqeroorutaasut tassaapput ullut nalinginnaasut, atuarfimmuut piareersarnerit, kajumissaarinerit, inuttut ineriartorneq, nutaaliorneq, sannaveqarneq aamma IT.

*MA2, MA3 aamma MA4:*

Klassini ukunani atuartut ilinniarfeqarfinnut nalinginnaasunut, soorlu inuussutissarsiuuteqarnermut ilinniarfimmuut imaluunniit ilinniarnertuunngorniarfimmuut piareersarneqarnissaat ukkatarineqartarput. Meeqqat atuarianni ilikkagassatut anguniagassat, kajumissaarineq aammalu atuartunut ataasiakkaanut pilersaarutit suliarineqarput. Imarisaani fagit soorlu qallunaatut, kalaallisut, tuluttut aamma kisitsineq aallaavigineqarput. Atuartitsineq ingerlanneqartarpoq ukiumut sapaatip akunnerinut 7-nut immikkoortukkuutaarlugu, taamaalillunilu akuleriimmik ingerlatsinissaq pilersaarusiorneqarsinnaavoq assersuutigalugu atuartitsiutigaluni suliaqartitsinermik. Klassit misilitsinnermik naggaserneqartarput.

## **Majoriami Inaarutaasumik misilitsinnermik ineriartortitsineq**

Majoriami Inaarutaasumik misilitsinneq ukkatarineqartunut arfinilinnut aggulunneqarpoq, tamarmik makkuninnga suliaqarfiusussanik.

1. Takorluukkap suliarinera, periusissiorneq aamma misilittakkanik katersineq
2. Atuartitsineq – ilikkarnartussatut siunnersuutit perorsaanikkullu periutsit
3. Aqputissiuussineq – aqputissiuussinerup pisariillisarneqarnera nukittorsarneralu
4. Atuutilersitsineq – suliniummi suliaqartat illoqarfinnut mikinerusunut najukkanilu pissutsinut naleqqussarneqarneri
5. Majoriaq tamaat isigalugu – suliffik suliffeqarnerlu, aqputissiuussineq piginnaanngorsarnerlu akimorlugit suliaqarneq ukkataralugu
6. Majoriaq najugarisami – najugarisami suliaqartut allat suleqatigineqarnerat

### *1. Takorluukkap suliarinera, periusissiorneq aamma misilittakkanik katersineq*

Takorluukkap suliarinerani tamakkiisumik ilikkagaqarnissaq aallaavigineqarpoq, ilinniagaq, inuussutissarsiorneq, politikki najugarisamilu inuuneq qanimut suleqatigiissillugit. Suliniutip najukkami pissutsinut kulturikkut naleqartitanut naleqqussarnissaa pingaartumik qitiutinneqarpoq illoqarfinni ataasiakkaani, najugarisami nukittuffiit, pisariaqartitat nukissallu siunnerfilimmik paasiniarnerisigut ineriartornissamullu periarfissat immikkoortiternerisigut. Aaqquissuussaasumik nalilersuisoqarpoq, periutsinik ineriartortitsinikkut suleqatigiinnikkullu suliniutip ataavartumik pitsaanngorsarneqarnera qulakkeerniarlugu.

Suliniutit erseqqissaatigineqartut:

- Suliniutitut nassuiaatinik suliaqarneq sulinermit atugassanik piffissallu ingerlanerani naleqqussagassanik
- Ingerlaavartumik ajornartorsiutinik paasinninneq ajornartorsiutinillu aaqqiineq
- Atuartitsinermit ilikkarsimasanik, atuartut takkuttarnerannik (Lectiomi nalunaarsuinermit), nalilersuineq nalunaarusiornerlu atuartullu siuariartorneranik, tamatumunnga ilanngullugit apersuinermit immersugassat paasissutissanillu katersineq
- Aningaasaqarnermik aqutsineq

## 2. *Atuartitsineq – ilikkarnartussatut siunnersuutit perorsaanikkullu periutsit*

Atuartitsinermit siunnerfilimmik nukittorsarneqarnissaa ineriartortinneqarnissaalu atuartut pisariaqartitaannut, najukkami pissutsinut suliffeqarnermilu piumasaqaatinut naapertuunnerulerniassammat suliniuteqarnikkut anguniarneqarpoq. Pingaartumik ukkatarineqarsimasut tassaapput ataqatigiissitsinissaq makku akornanni atuartitsineq, aqutissiuussineq, pilersarusiorneq aammalu naliliineq, soorlu atuartup atuanngitsoorfiinik nalunaarsuineq ilikkariartornera aammalu oqaloqatigiinnermit allattukkat. Ataatsimut isigalugu sulinerup atuartitsineq eqaannerulersitseqataaffigaa, ersarinnerulersillugu aammalu sullitanut naleqqunnerulersillugu. Inernerit tassaalerput ilinniartitsinermit avatangiisit atugarissaarneq, ineriartorneq ilikkariartornerlu qanimut ingerlaqatigiisinnerqarlutik aamma atuartut sulisullu pitsaassutsimik, erseqqissuunermik ataatsimullu siunnerfeqarnermik annertunerusumik misigisaqarlutik.

Suliniutit erseqqissaatigineqartut:

- Atuanngitsoornernik nalunaarsuineq aamma akuleriillugit immersugassat, tassunga ilanngullugu Lectiomut ilitersuut il.il
- Ilikkagassatut anguniakkat ingerlanissamik pilersaarut atuartitsinermullu siunnersuutit ilanngullugit
- Misissuinermit atortut aamma piginnaasanik qulaajaaneq, atuartup suliatigut, inuttut inunnnullu attaveqarneranut piginnaasai ilanngullugit
- Suliatigut atuartitsinermit sinaakkutissanik pitsanngorsaaneq, tamatumunnga ilanngullugu ininik atuartitsivinnik pilersitsineq, atuartunik oqaloqatigiinnermit allattaavik, atuartut mappiinik pilersitsineq, ilinniartitsisunut logbogit, perorsaanermi pilersaarutit, saqitsaannermit suliaqarnissamut periusissaq il.il.
- Ilinniartunut nutaanut aallarnisaataasumik ulloqartitsineq

## 3. *Aqutissiuussineq – aqutissiuussinerup pisariillisarneqarnera nukittorsarneralu*

Atuartut atuarnerat aqqissuussaasumik, pitsaassusilimmik ataqatigiissumillu ingerlannissaanut ukkatarinnilluni siunnerfilimmik suliarinissaa aqutissiuussilluni suliaqarnermit aallutarineqarpoq – akueritinnermiit inaarnissaa tikillugu. Aqqissuulluakkanik innersuussisarnissaq pilersinneqarpoq assigiissumik ammasumillu ingerlatsinissaq qulakkeerniarlugu, aamma grupikkaartumik aqutissiuussisarneq atorineqalerpoq atuartut ataatsimoorlutik unammilligassa at korfartorniarlugu ilikkakkanillu avitseqatigiinnermit atorneqartussanngorlugu. Ataatsimut isigalugu suliniummi sulineq ataatsimut isiginnittumik atuartitseriaaseqarnerusumik pilersitsisoqarpoq. Suliat ingerlanneri ammanerusumik pisalerput, eqaannerulerlutik aammalu atuartut inuunerannut naleqqussarneqarlutik, tassani aqutissiuussineq akulerunneqarpoq ilikkagassanut ineriartornissamullu, atuartut ataasiakkaat anguniagaannut ilorrisimaarnerannullu tunngatillugu.

Suliniutit erseqqissaatigineqartut:

- Innersuussinermi immersugassaq nutaaq aamma qinnuteqarnermi immersugassaq nutaaq, Majoriami Inaarutaasumik misilitsinnermi atuartitsinnermut naleqqussagaq
- Gruppiikkaarluni aqputissiuussineq
- Ingerlaavartumik atuartunik akuersisarneq (ukiumut pingasoriarluni aggustimi, oktobarimi aamma januaarimi)
- Suliffimmik sungiusarnermut atortussat, suliffeqarfiit ataasiakkaat isumaqatigiissuteqarfiginerinut naleqquttut aammalu atuartut piginnaasaannik qulaajaaneq qitiutillugu
- Piffissaliussinerit pilersaarusiornermilu sakkussat erseqqissut misilitsinnerit nalaanni malinnaalluarnunissamut aqqqissuussaarnunissamullu iluaqutaapput.
- Sapaatip akunnera immikkoortoq nutaaq nalunaarnermut pilersaarusiornermullu atugassaq, atuartut ataasiakkaat pisariaqartitaat kissaatigisaallu pillugit oqaloqatigiinnernik ukkataqarluni

*4. Atuutilersitsineq – suliniummi suliaasat illoqarfinnut mikinerusunut najukkanilu pissutsinut naleqqussarneqarneri*

Majoriami atuartitsiviit akimorlugit suliniutip pisariitsumik ataqatigiissakkamillu atuutilersinneqarnissaa qulakkeerniarlugu, aqqqissuussat erseqqissut, malittarisassat akisussaaffiillu agguataarneqarneri aqqqissuussaasumik suliarineqarput. Sulinnermi qitiutinneqartut ilagivaat atuutilersitsinissami ataatsimoortunik suliaqarneq aammalu ingerlatitseqqiineq kiisalu angusanik periutsinillu saqqummiineq ilisimasat nutaat illoqarfinnut allanut sulisunullu ingerlateqqinneqarnissaat qulakkeerniarlugu. Periuseq ataatsimut isigalugu Majoriami suliniutiniq nutaanik aqqqissuussaasumik, najukkanut naleqqussakkanik pisariitsumillu atuutilersitsisoqarnissaanik qulakkeerinnittuupput. Pilersaarusiornermi, akisussaaffeqarnermi, ingerlatitseqqiisarnermi nalilersuisarnermilu aqqqissuussat patajaatsumik ingerlatsinissamut tapertaallunilu Majoriani tamani akimortumik sulinnermi pitsaassutsimik siuarsaatitsivoq.

Suliniutit erseqqissaatigineqartut:

- Atuutilersitsinnermi atortut ataasiakkaat, taakkununga ilanngullugit eqqaamasassanut allattuiffiit, malittarisassat aammalu sulisut atortussat
- Erseqqissumik akisussaaffinnik agguataarineq atuuffinnillu nassuiaateqarneq, taakkununga ilanngullugit ilinniartitsisut, aqputissiuussisut allarpassuillu
- Angusanik periutsinillu saqqummiussineq assersuutigalugu MA1 aamma Lectio
- Majoriap illutaani ininik pitsanngorsaaneq init ilinniartitsiffiusut aammalu atortussanik inniminniinnermi atortunillu taarsersuinnermi periutsinik malittarisassanillu atuilerneq.
- Najugarisami pissutsinut pisariaqartitanullu naleqqussaaneq

*5. Majoriaq tamaat isigalugu – suliffik suliffeqarnerlu, aqputissiuussineq piginnaanngorsarnerlu akimorlugit suliaqarneq ukkataralugu*

Majoriami immikkoortut ataasiakkaat akornanni suleqatigiinnerup nukittorsarnissaa ukkatarineqarnikuuvoq ataatsimoortumik akisussaaffik aammalu pikkorissarnerni, aqputissiuussinerni innersuussinernilu ilisimasanik avitseqatigiittarneq siuarsarniarlugu. Immikkoortortat akimorlugit aqqqissuussaasumik ataatsimiittarnertigut, Majoriami neqeroorutit takussutissartaat aammalu krydsilersuinnermi immersugassaq aammalu ukiumoortumik ullorsiuutit

aqqutigalugit, tamakkiisumik paasissutissiisummik suliaqartoqassaaq, tassani innuttaasoq qitiutinneqassalluni, aammalu aqqutissiuussisoq ilinniartitsisorlu ataatsimoortumik anguniagaq aallaavigalugu sulillutik.

Suliniutit erseqqissaatigineqartut:

- Ataatsimoortumik ukiumoortumik ullorsiuteqarneq, sulianik ataatsimoortumik malinnaaffigiuminartoq, atuarnarup aallartinnissaaq, sapaatip akunneri immikkoortut, misilitsiffissat allarpassuillu
- Majoriap neqeroorutai pillugit takussutissamik suliaqarneq krydsiliiffissaliornerlu immikkoortortat akornanni, neqeroorutit sorliit innuttaasunut naleqquttuunerinik paasinninnerulersitsinissaq anguniarlugu
- Sulisunik ingerlaavartumik ineriartortitsineq, tassunga ilanngullugu suliatigut perorsaanikkut ilinniaqqinnerit pilersaarusiorderi, pikkorissarnerit, misilittakkanillu avitseqatigiittarneq il.il.

#### *6. Majoriaq najugarisami – najugarisami suliaqartut allat suleqatigineqarnerat*

Illoqarfinni najugarisami innuttaasunik suleqateqarneq aammalu ilinniarnarup inuussutissarsiuqartullu akornanni qaninnerusumik ataqatigiittoqarnissaa nukittorsarneqassasoq pingaartinneqarnikuuvoq. Tamannalu pisarpoq Suleqatigiinnissamut caféqatigiinnikkut – paasisanik, misilittakkanik isumassarsianillu avitseqatigiinniarluni suliffeqarfiit, atuarfiit, peqatigiiffiit, kulturimik suliaqartut innuttaasullu Majoriamik naapitsillutik oqallittarfiat. Ataatsimut isigalugu Majoriaq ersarinnerulersinneqarpoq suleqatitullu pissarsiariuminarnarulerluni aammalu najukkami inuiaqatigiinni pisariaqartinneqartunik pioreersut aallaavigalugit suliniutinik ataatsimoortumik ineriartortitsinissamut aqqutissiuussisoqalerluni.

Suliniutit erseqqissaatigineqartut:

- Suleqatigiinnissamut cafénik pilersitsineq, taakkununga ilanngullugu suliffeqarfiit cafévinik immersugassamik suliaqarneq aamma suleqatigiinnermi cafémut siunertamut nassuiaatiliorneq
- Majoriami ilisimasat neqeroorutillu pillugit najukkami inuiaqatigiinnut ingerlatsitseqqineq, taakkununga ilanngullugu saqqummiinnermi atortussanik suliaqarneq

## **Kommuneqarfik Sermersuumi atuutilersitsineq**

### *Majoriaq Nuuk*

Nuummi Majoriaq suliniummi qitiusumik inissisimavoq aamma MA-mi atortussanik periutsinillu suliaqarnermi, misileraanermi nalilersuinnermilu pingaarutilimmik atuuffeqarluni. Assersuutigalugu atuartitsissutinik ineriartortitsineq, aqqutissiuussinnermi periutsit aammalu aqqissuussaanermi aqqiissutit, kingusinnerusukkut illoqarfiit sinnerinut naleqqussarneqartussat.

Nuummi atuarfigineqartoq siammassissumik katitikkamillu atuartunik toqqammaveqarpoq, tassani atuartut arlallit sineriammeersuullutik aamma atuartut amerlasuut assigiinngitsunik nappaateqartut inooqataanikkullu imaannaanngitsunik unammilligassaqartut sullinneqarlutik. Tamanna assigiinngisitaartumik nalilersuisarnissamut periarfissaqalersitsivoq, aammali sulisunut, piginnaasanut nukissanullu annertunerusunik piumasaqalersitsivoq, sullitanut assigiinngitsunut atuartitsinerup naleqqussarneqartussaanera pissutigalugu.

MA1-imi atuartut ingerlanertik inuunermi isumalittut oqaatigaat, pingaartumik assassornermik sulisinnaanerminnik takutitsisinnaallutillu ineriartortitsisinnaaneq eqqarsaatigalugu. Amerlasuut erseqqissaatigaat, atuartut tamarmik immikkut namminneq iluatsitsinissartik pillugu nassuiaateqarsinnaanerit inissaqartinneqartoq, qanorluunniit suliatigut ineriartorneq, atugarissaarneq inuttullu ineriartorneq pineqaraluarpat. Peqataanermi toqqissisimasumik angerlarsimaffeqarneq pingaarutilerujussuuvog aammalu eqqissisimanermik kajumissuseqarnerulernermillu pilersitsilluni.

### *Majoriaq Paamiut*

Paamiuni Majoriaq MA1 2024-imi aallartinnissaa pilersaaruserlugi aallartinneqarpoq, tassunga ilanngullugu sulianut pilersaarutini aammalu atuartitsissutissanik ineriartortitsineq. Aallartikkami atuartut arfiniliupput ilinniartitsisullu marluk, kingornalu ilinniartitsisut pingasuulerput oqaatsinillu ilinniartitsisoq ataaseq. MA1-imi Paamiuni ingerlataq atuartunut atuartitsisunullu isumaqarluartumik ineriartorfiusumillu najoqqutassiisimavoq, tassani atuartut takuneqarlutik, tapersorsorneqarlutik kaammattorneqartutullu misigalutik aamma

Nutaamik atuartitseriaaseq pitsaasutut isigineqarpoq, atuartut ilinniartitsisullu tunniusimanermik takutitsillutik. Ingerlanneqartoq eqaatsuusooq assigiinngisitaartuusorlu oqaatigineqarpoq, aammalu atuartut ulluinnarni ilikkariartornertik kaammattorneqarnertillu malugisarlugi. Ataasiakkaatut nukittuffii ataqqineqarput taamaammat ataatsimuussutsimut nukittorsaataallutillu ataqpeqatigiinnermik pilersitsiviupput. Ingerlataq inuunerminni ilinniagaqarnermilu alloriarfittut pingaarutilittut isigineqarpoq.

### *Majoriaq Tasiilaq*

Majoriaq Tasiilaq 2024-imi MA1-imut piareersarlugu aallartinneqarpoq atuutilersitsinissami atortussanik suliaqarluni, tassunga ilanngullugit Lectio-mi aammalu mappinik tunioraaneq il.il. pikkorissassutigineqarlutik. Aggustimi 2024-imi atuartut arfinillit MA 1-imi aallartipput Tasiilami nunaqarfinnilu ujartuilluni aqqutissiuussinerup kingornagut.

Aallartisarneq iluatsilluarsimaqaaq. Atuartut ingerlataminnik namminnerlu siuariartuutitik nuannaralugit oqaatigaat. Malugisimavaat tunniusimanertik avatangiisiminnut sunniuteqarsimasooq, tamannalu ilaqutariinnut ikinngutinillu ilinniaqqinnissamik imaluunniit suliffittaarnissamut isumassarsititsimavoq.

Atualeqqaartuni atuartitsisuunermi pitsaaquterpassuit ilagaat, atuartunut ataasiakkaanut qanorlu sukkassusaanut naleqqussakkamik atuartitsissummik nammineerlutik piareersarsinnaasaramik. Aamma pitsaaqutitut pingaaruteqarluinnartuuvog nunaqarfinneersunut kollegiemi ineqarnissaq periarfissiisutaammat.

## **Kaammattuutit**

Majoriami Inaarutaasumik misilitsinneq pitsanngorsaangaatsialereerpoq, tassa suliatigut, aaqqissuussaanikkut perorsaanerullu tungaatigut. Taamatut alloriarloqarnera pissutaalluni nalilerneqarpoq Majoriami aaqqissuussatut atorneqarsimasumut uteqqinnissaq periarfissaajunnaareersoq imaluunniit kissaataajunnaareersoq.

Suleqatigiit naliliipput suliniutit attatiinnarneqarnissaannut ineriartorteqqinnissaannullu politikkikkut eqqumaffigineqarneq kaammattorneqarnerlu piumasaqaataassasut. Politikkikkut kaammattuisoqanngippat, naammattunik nukissaqartoqanngippat aammalu sinaakktissatut atugassarititaasut allannguuteqanngippata qitiusumik suliniutit naammassineqarnaviannngillat. Suliniutit kaammattuutigineqartut suliniummik annertusaanissamut tunngasut, politikkikkut piumassuseqarnermik tunngaveqartussat tassaapput:

- Soraarummeeriaatsit nutaat
- Peqataanermit uppersaatit
- Najugarisami ilikkagassatut anguniagassatut naleqqussakkat
- Atuartut najukkaminni isertitaqaataasinnaasutut periarfissaat
- Ingerlaavartumik piginnaasanik qulaajaaneq innuttaasut najukkaminni suliffeqalernissaannut naleqqussakkanik
- Pikkorissarnerit piginnaalersitsisut
- Alimasissumik atuartitsinermut suliniutitut siunnersuut